

Illa omnia  
sunt resti-  
tuenda ob

<sup>1.</sup>  
Expressa  
Dei man-  
data,  
Veteris  
Levit. 5.  
v. 1. 2.

Nehem. 5.

ten/in der wir zuerweisen haben/ daß welcher Mensch vnrecht Gut in seinem Hause vnd auff seinem Gewissen hat/ auff was weise vnd wege ers auch an sich gebracht/ es sey geschehen mit List oder Gewalt/er dasselbe heraus vnd widergeben müsse/ will er anders Glauben/vergebung der Sünden/ gut Gewissen/ vnd die Hoffnung eines seeligen Abschieds vnd künfftiger Seeligkeit haben.

Es stehet zuvorderst da der unwandelbare Wille/ Befehl vnd Gebott Gottes/ so solches ernstlich erfordert. Ja/ ernstlich/ sagt/ vnd clar seind die Wort Levit. 5. oder nach dem Hebreischen Text im 6. Capitul. Wenn eine Seele sündigen/ vnd sich an dem HErrn vergreifen würde/ daß er seinen Nebenmenschen verläugnet/ was er ihm befohlen hat/ oder das ihm zu trewer Hand gethan ist/oder daß er mit Gewalt genommen/ oder mit Vnrecht zu sich gebracht/ oder das verlohren ist/ funden hat/ so soll er widergeben/ was er mit Gewalt genommen/ oder daß er mit Vnrecht zu sich gebracht/ oder was ihm befohlen ist/ oder/ was er funden hat/ das soll er alles ganz widergeben &c. Da sichs nicht excipiren vnd sagen lasset/ das sey lex forensis Iudaeorum/ gehe allein die Juden im alten Testament an/ sey jeso auffgehoben/ verbinde niemand zum Behorsam &c. Nein/ es ist ein stück der Zehen Gebott/ gehört zum moral, Zucht vnd ewigen Gesetz/ ist in die Natur gepflanzt/ die einen jeden lehrt suum cu que tribuere, daß er einem jeden das Seine geben vnd lassen solle. Vnd ist wol zu merken/ daß außdrücklich alhie stehet/ wer seinem Nächsten etwas mit Vnrecht entziehet vnd auffhält/ der versündige sich an dem HErrn/ habe nicht so wol mit Menschen als mit Gott im Himmel zuthun/ dessen Gnade er verliere/ wenn er etwas vngedürlicher weise an sich bringet/ könne auch nicht ehe wider darzu gelangen/ er habe denn dem rechten Possessori vnd Besizer widergegeben/ was er ihm entzogen.

Auff welchen Befehl vnd Gebott Nehemia gesehen cap. 5. da er die Rathsherrn vnd Obersten des Jüdischen Volcks hefftig gescholten/ daß sie vnziemlichen Bucher getrieben/ vnd armer Leute äcker/ Weinberge/ ölgärten vnd Häuser an sich gezogen: die Wort sind diese: Ich schalt die Rathsherrn vnd Obersten/ vnd sprach zu ihnen/ wolt ihr Bucher treiben? solt ihr nicht in der Forcht Gottes

wan